

BOSNA I HERCEGOVINA
FEDERACIJA BOSNE I HERCEGOVINE
KANTON SREDIŠNJA BOSNA/ SREDNJOBOSANSKI KANTON
KANTONALNO TUŽITELJSTVO/TUŽILAŠTVO KSB/SBK
TRAVNIK

Broj: T06 0 KT 0033882 23

Travnik, 18.11.2024. godine

OPĆINSKOM SUDU U BUGOJNU

- Sucu za prethodno saslušanje –

Na osnovu odredbe članka 45. stavak 2. točka i), i članka 241. stavak 1. Zakona o kaznenom postupku Federacije Bosne i Hercegovine, p o d i ž e m:

OPTUŽNICU

Potvrđena dana 21.05.2025.godine

Protiv:

1. N. A. (1990)

2. S. A. (1969)

Što su:

Dana 16.8.2023. godine oko 1:55 sati u prostorijama PS Gornji Vakuf-Uskoplje, općina Gornji Vakuf-Uskoplje, zajedno napali službenu osobu, policijskog službenika PS Gornji Vakuf-Uskoplje V. V. koji je poduzimao službene radnje u poslovima javne sigurnosti, na način da su se prethodno dovezli sa pmv na parking prostor PS Gornji Vakuf-Uskoplje, nakon čega N. A. prilazi policijskom službeniku V. V. obrativši mu se povišenim tonom „ Ko me prijavio“, nakon čega ga oštećeni poziva da uđe u prostorije PS Gornji Vakuf-Uskoplje radi alkotestiranja, gdje isti nastavlja sa drskim i nedoličnim ponašanjem, nakon čega u prostorije PS Gornji Vakuf-Uskoplje ulazi S.A. kojeg oštećeni upozorava da napusti prostorije, da bi u jednom trenutku N.A. fizički nasrnuo na oštećenog obrativši mu se sa riječima „Jebem ti mater“ nakon čega desnom rukom zadaje udarac oštećenom u predjelu lijeve strane glave tj. oka od kojeg udaraca lomi naočale oštećenom, nakon čega oštećeni hvata N.A. i tom prilikom zajedno padaju na pod, te dok se oštećeni nalazio na podu istom prilazi S.A. i zadaje mu udarac nogom u predjelu desne strane rebara, i tom prilikom oštećeni zadobiva lake tjelesne povrede u vidu nagnječenja desne nadlaktice i lijeve strane grudnog koša sa krvnim podljevima, svjesni da zajedno, fizičkim nasrtanjem i zadavanjem udaraca oštećenom mogu prouzrokovati tjelesne povrede što su i htijeli.

Dakle, zajedno napali službenu osobu ili osobu koja joj pomaže u vršenju poslova dužnosti čuvanja javnog reda

Čime su počinili kazneno djelo Napad na službenu osobu u vršenju poslova sigurnosti iz članka 359. stavak 2. u vezi sa čl. 31. Kaznenog zakona Federacije Bosne i Hercegovine.

Poštovani predstavnici medija, molimo Vas da prilikom prenošenja vijesti imate u vidu da osobe na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom.